





譚  
道

甲午歲秋七月既望

吳興趙瑛題





八二卷

東海間民水華郁履行輯

着毛蘿蔔

參軍馮光震入集賢院校文選曾注蹲鴟云蹲鴟者今之芋子即是着毛蘿蔔也蕭令聞之拊掌

誤筆空函

陸威為郎官褚載以文獻犯其家諱威瞿然載以



箋致謝曰。曾興之圖畫。雖精。終慙誤筆。殷浩之矜持。太過。翻達空函。

### 留連一物

王沙彌嘗詣晉祠。賦詩曰。日落應歸去。魚鳥見留連。忽有丞相使。至召王明。日在西閣。祭酒盧思道。昨被召。朱顏得不以魚鳥致怪。王微笑曰。取陶然。頗以酒漿被責。卿輩亦是留連之一物。

不直魚鳥而已。

### 李超鬼

姚峴善滑稽。嘗候見姚南仲。方坐。忽有投刺者云。李過庭。南仲曰。過庭未知誰家子。左右皆稱不知。峴徐言曰。想是李超。見南仲撫掌。

### 河魁在房

李戴仁性迂緩。娶閻氏。年甚少。與之異室。私約曰。



有興則見。一夕閤忽扣戶。戴仁急取百忌曆看之。大驚曰。今夜河魁在房。不可行事。謝到而已。閤慙去。

享是香

張說携文章謁友生。時正行宮中。媚香號化樓臺。友生焚以待說。說出文章置香上。曰。吾文章是香。無忝一座皆笑。

氣通天帝

李白登華山落鴈峰。笑曰。此山最高。呼吸之氣。相通天帝。恨不携謝朓驚人詩來搔手問青天耳。

狐狗猫鼠

盧延讓業詩二十五舉。方登第。卷中有狐衝官道。過狗觸店門。開之句。張濬每稱賞之。又有賤猫臨鼠穴。斃犬舐魚砧。為成汭所賞。又有栗爆燒毡破。



誦  
猶跳觸鼎。翻為王建所賞。盧謂人曰。平生謁盡公。卿不意得力於狐狗猫鼠。

東閣北門

景龍中。洛下淋雨百餘日。宰相令閉坊市北門。以弭之。卒無效。人嘲曰。禮賢不解。開東閣。燬理惟能。閉北門。

千金歌

官妓永新善歌。最受明皇寵愛。每奏歌。則絲竹之聲莫能遏。帝嘗謂左右曰。此女歌直千金。

豺咬殺魚

則天朝。大禁屠殺。婁師德使至陝。庖人進肉。師德曰。何為有此。庖人曰。豺咬殺羊。師德曰。豺大解事。又進鱠。復問之。庖人曰。豺咬殺魚。師德叱曰。何不道是獺。



老後必復如此

陶丘娶丁氏女。色甚令。復相敬重。及生男。往謁其母。母年甚邁。陶歸而遣婦。頗急。婦臨去。請罪。陶曰。曩見而母年齒已衰。亦恐新婦老後必復如此。是以遣也。

不敢偷

楊衡初隱廬山。有盜其文。登第者。衡後亦登第。見

其人。問曰。一一鶴聲飛上天。在否。荅曰。此句知兄最惜。不敢偷。衡曰。猶可恕也。

逢着則吃

裴晉公不信術數。每語人曰。鷄猪魚蒜。逢着則吃。生老病死。時至則行。

唱渭城

劉伯芻侍郎所居巷。日有鬻餅者。早過戶。必聞謳



歌當壚。召與萬錢。令多其本。日取胡餅償之。後過其戶。寂不聞聲。呼問曰。何輟歌之速乎。曰。本領既大。心計轉粗。不暇唱渭城矣。

笑博士

駱賓王好以數目入歌行人。謂之笑博士。

秀才脚

薛昭緯未第時。就肆市鞋肆主曰。秀才脚第幾薛。

曰。昭緯作脚來。未曾與立行第。

俱是不如人。

羅隱與鍾陵妓雲英有舊。妓一日譏隱未第。隱嘲以詩曰。鍾陵醉別十餘春。重見雲英掌上身。我未成名君未嫁。可能俱是不如人。

從何處來

武儒衡在中書時。元稹夤緣宦官。得知劄告儒衡。



評海二卷  
鄙之會食瓜。蠅集其上。儒衡揮扇曰。從何處來。遽集於此。

### 賣天津橋

術士錢知微居天津橋賣卜。云一卦帛十疋。人久不赴。忽一貴公子。予帛十疋。暗卜欲賣天津橋錢。為隱語曰。兩頭點破。中心虛懸。人足踏跋。不肯下錢。受帛而去。觀者駭笑。

### 丈人蒼蒼

盧詢祖才辯機敏。邢子才嘗戲之曰。卿少年才學。富盛戴角者無上齒。恐君不壽。盧曰。初聞此言。實懷恐懼。見丈人蒼蒼在鬢。差以自安。

### 短李相為餌

張祐嘗謁李紳。自稱鉤。巨鰲客。李怒。因詰之曰。以何為竿。曰。以虹為竿。又問以何為鉤。又問以何為



餌曰以短李相為餌。紳默然。

終南捷徑

盧藏用始隱山中時有意當世人目為隨駕隱士。晚狗權利素節盡失。司馬承禎嘗召至闕下。還山。藏用指終南山曰。此中大有佳處。承禎徐曰。以僕視之。仕宦之捷徑耳。藏用大慙。

大虫老鼠

陸長源為宣武行軍司馬。韓愈為巡官。或譏其年輩相遠。愈曰。大虫老鼠俱為十二相屬。何怪之有。

聖人姓名

黃巢命皮日休作讖語云。欲知聖人姓名。田八二十一。欲知聖人名。果頭三屈律。巢大怒。蓋巢頭醜。掠髮不盡。皮譖之。

哭僧



賈島有哭僧詩云。寫田行道影。焚却坐禪身。唐人謂燒殺一活和尚。

捧劍

咸陽郭氏有蒼頭名捧劍。不事音樂。嘗以望水。叱雲不奉。驅策一日。忽題詩云。青鳥啣蒲萄。飛上金井欄。美人恐驚去。不敢捲簾看。觀者競云。協律。後以詩名。

獺祭魚

李商隱為文多檢閱書冊。左右鱗次。時號獺祭魚。

且羞死

杜審言恃才傲世。蘇味道為天官侍郎。審言集判。出語人曰。味道死矣。人驚問之。曰。彼見吾判必羞死。

瓜子



賀知章告老以子乞明皇命名上曰卿子必信順人也宜名之孚再拜受命久謂人曰上謔我也我是吳人孚乃瓜下子豈非呼我兒子耶上笑

悉帶令

令狐綯入相自以姓氏少族人有投者不吝通族由是遠近趨之至有姓胡冒令者溫庭筠戲曰自從元老登庸後天下諸胡悉帶令

共着一羊

吏部侍郎楊思玄貴恃外戚倨待選流為選者夏侯彪所訟又為御史中丞即餘慶奏免時中書許敬宗曰楊必敗矣人問之許曰一彪一狼共着一羊豈得不敗

口吸醋

夏侯信嘗以一小瓶貯醋一升自食家人不沾餘



瀝。僕云醋盡信必取瓶合掌。尚餘數滴。以口吸之。見者大笑。

穀穀穀

華原令崔思海口吃。每與表弟杜延業。遮相戲弄。杜嘗語崔云。弟能遣兄作鷄鳴。但有所問。兄須即報。旁人訝之。與杜私賭。杜將穀一把。問崔云。此是何物。崔云。穀。穀。穀。旁人大笑。因輸延業。

冷語冰人

潘在庭。以財結權要。或戒之曰。非是求援。不欲其冷語冰人。

別市猪

張端為河南司錄府。當祭社。買猪已呈尹。其夜突入錄廳。即殺之。吏白尹。尹問端。答曰。按律。諸無故夜入人家。登時殺之。勿論。尹大笑。為別市猪。



不曾說着文章

韓愈常語李程曰愈與崔丞相同年往還直是聰明過人李曰何處過人韓曰共愈往還二十餘年不曾說着文章

我尚畏見

房玄齡夫人至妬太宗令皇后召入告以媵妾之流今有常数帝欲有所賜夫人執心不回帝遣酌

卮酒恐之曰若然可飲此鳩夫人一舉便盡無所由難帝笑曰我尚畏見何況玄齡

○擲擲么

明皇與貴妃雙陸命力士伏地以背承盤明皇呼紅貴妃呼六久之力士在下呼曰須放奴婢起來也擲擲么影直直腰

○耻見妻子



吏部侍郎李迥秀好譏警有選人被放訴云羞見  
來路李曰從何來曰從浦津關來李曰取潼關路  
去曰耻見妻子李曰賢室本自相諳亦應不怪

### 舜禹事

元和中大官有婚於中表者已涉溱洧之媿及夜  
深女家索詩儻者張仲素朗吟曰舜耕餘草木禹  
鑿舊山川坐有李程者應聲笑曰舜禹之事吾知

之矣

### 死無所繫

裴令臨終謂門人曰吾死無所繫但午橋庄松雲  
嶺未成軟碧池繡尾魚未長漢書未終篇為可恨  
耳

### 回面避酒

王琨性謹慎顏帥伯豪貴設女樂要琨傳酒行矣



皆命妓傳行。每致琨令致床上。回面避之。然後取飲。飲畢。又如前。坐中大笑。

子號妻名

李鎮即趙公嶠之父。選授梓州郫縣令。與友人書云。州帶子號縣帶妻名。由来不属老夫。并是兒婦官職。

只識酥

楊貴妃中酒。微露其乳。帝捫之曰。溫柔新剥鷄頭肉。安祿山在旁曰。滑膩凝如塞上酥。帝笑曰。信是胡兒只識酥也。

一群癡宰相

宰相楊再思晨入朝。值一重車將牽出西門道。滑牛不前。馭者罵曰。一群癡宰相。不能和得陰陽令。我善行如此。再思徐謂之曰。爾牛自弱。不得獨嗔。



宰相。

度撰

石中立在中書時盛度禁林當直撰張文節公神道碑進御罷呈中書石問曰是誰撰盛卒對曰度撰聞者掩口

甘草

朱泚亂裴佖與衣冠數人佯為奴求出城佖貌寢

自出稱甘草門兵曰此數子必非人奴如甘草不疑也。

口吻生花

張祐善吟妻孥喚之不應責祐祐曰吾方口吻生花豈恤汝輩

布袋盛米

杜邠飲食洪博既飽即寢人諫非攝生之道杜曰



君不見布袋盛米放倒即慢。

壁間贈妓

元稹左遷達州司馬投宿一舍壁間有字數行乃  
十五年前贈妓者復次韻呈白樂天云十五年前  
似夢遊曾將詩句結風流昔教紅粉佳人和今遣  
青衫司馬愁。

蘇捏佛

張林奏毀佛寺時蘇省察檢天下廢寺凡銀佛一  
尺以下者多袖歸人號蘇捏佛温庭筠笑曰好對  
密陀僧。

點鬼簿

楊炯好以古人姓名連入詩內時人嘲曰點鬼簿  
聞者撫掌。

清凉散



劉子儀不能大用，稱疾不出。朝士問疾，劉云：「虛熱。」  
上攻石文定在坐云：「只消一把清涼散。」  
兩府用青涼傘也。

哭字

常建結語善用哭字。第一是殘兵哭遼水，第二是墳上哭明月，第三是哀哀哭枯骨。時嘲之曰：「哭不如一哭。」

弄麈

太常少卿姜度，誕子李林甫，手書慶之曰：「聞有弄麈之喜，姜視之掩口。」

瓦學士

石曼卿嘗出遊報寧寺，馭者失控，馬驚走，曼卿墮地，戲曰：「幸是石學士，若瓦學士，豈不破碎。」

月夜招鄰僧閑話

許義方妻劉氏端潔自許，義方出經年，始歸，語妻



曰。獨處無聊。亦與鄰里親戚。嫗家往還乎。劉曰。自君之出。足未嘗履闕義。方咨嘆不已。又問何以自娛。荅曰。惟時作小詩。以適情耳。義方欣然。索詩觀之。開卷第一題云。月夜招鄰僧閑話。

舅得詹事

張說女嫁盧氏。嘗為其舅向說求官。說不語。但以龜指之。女歸告其夫曰。舅得詹事矣。

綠林豪客

李涉過九江。遇盜問何人。從者曰。李博士也。其豪首云。若李博士。不用剽奪。久聞詩名。願乞一章足矣。涉曰。風雨瀟瀟江上村。綠林豪客偶知聞。相逢不用多猜忌。世上如今半是君。

子母丹

白樂天語人曰。吾已脫去利名枷鎖。開清白門戶。



但不知連龕子母丹。何時可成。

獨吃八棒

雙漸嘗為令。入僧寺中。主僧半酣矣。因前曰。長官。可同飲三杯。漸怒判云。談何容易。邀下官同飲三杯。禮尚往來。請上人獨吃八棒。

豈愛一湖

南唐馮謐嘗對諸閣老言及玄宗賜賀知章三百

里湖事。因曰。他日賜歸得玄武湖三十里足矣。徐鉉答曰。主上尊賢下士。豈愛一湖所乏者。賀知章耳。眾大笑。

水出高原

安鴻漸滑稽。懼內。婦翁死。哭於路。婦性素嚴。呼入幕中。詒之曰。何因無淚。漸曰。以帕拭乾。婦曰。來日早臨棺。須見淚。漸計寤。來日以寬巾納濕紙於額。



言 二卷  
上犬叩其額而慟。慟罷其婦又呼入詬之曰。淚出於眼。何故額流。漸曰。豈不聞水出高原。

又在杜家

杜甫子宗武以詩示阮兵曹。答以石斧一具。并詩還之。宗武曰。斧。父斤也。使我呈父。加斤削也。阮聞之曰。誤矣。欲子斫斷其手。此手若存。天下詩名。又在杜家矣。宗武笑置之。

拾遺品題

唐兵部尚書姚元崇。長大行急。魏光乘目為趨蛇。鶴鶴黃門侍郎盧懷慎。好視地。目為覷鼠。猶兒殿中監姜皎。肥而黑。目為飽椹。猪母紫薇。舍人倪若水。黑而無鬚鬢。目為醉高麗。目舍人齊處冲。好眇目。視目云。暗燭底覓虱。老媽。舍人呂延嗣。長大少髮。目為日本國使者。又目舍人鄭勉。為醉高麗。又



目拾遺蔡孚小州醫博士詐諳藥性又有殿中侍  
御史短而醜黑目為烟薰地木目御史張孝嵩為  
小村方相目舍人楊伯嗣為熱熬上狢獠目補闕  
袁輝為黃門下彈琴博士目員外郎魏恬為祈雨  
波羅門目李全交為品官給吏目黃門侍郎李廣  
為飽水蝦蟆坐此品題魏自左拾遺貶新興縣尉

問頭詩目連訪母

張祐拓枝詩云鴛鴦細帶拋何處孔雀羅衫屬阿  
誰白樂天每呼為問頭詩祐曰公亦有目連經長  
恨歌云上窮碧落下黃泉兩處茫茫皆不見此非  
目連訪母耶

酒窟

蘇晉作曲室為飲名酒窟地上每一磚舖酒一甌  
計五萬磚晉日率友朋次第飲之



有子無兒

中宗嘗召宰相蘇瓌李嶠子進見瓌子曰木從繩則正后從諫則聖嶠子曰斲朝涉之脛剖賢人之腹上曰蘇瓌有子李嶠無兒

下官口上官鼻

石中立滑稽有上官泌勸以慎口石對曰下官曰與上官鼻何預

肝腸改易

張籍取杜子美詩焚取灰燼丸以膏蜜頻飲之曰令吾肝腸從此改易

香鬼

劉垂有口才號虛堂錦嘗曰他日得志當作五窟堂吳香窟畫種梅花秦香窟周懸麝臍越香窟植岩桂蜀香窟栽椒楚香窟畦蘭四時草木各占一



時予日入麝窟便足了一生。死且為香鬼。聞者笑之。

巫山雲雨

裴慶餘嘗同李北門遊船。舟師悞以篙水濺侍女衣上。李怒。裴解以詩曰：滿額鵝黃金縷衣，翠翹浮動玉釵垂。從教水濺羅裙濕，知道巫山雲雨歸。李笑而釋之。

不見替人

杜審言極矜誕。嘗謂人曰：吾文當屈宋衙官。吾筆當鍾王北面。及病甚，宋之問省候。杜曰：甚為造化。小兒相若，尚何言。然吾久歷公等，今且死，故大慰止恨。不見替人，聞者匿笑。

月照一天

盧肇牧歙州。姚岩傑傲倪自如。飲間肇以詩咏相



誇有明月照巴天之句，岩傑大笑曰：明月照一天，柰何獨照巴天？肇有慚色。

徹底門生

魏仁普提獎百僚，單隱岩至列卿，即又附他相。仁普不悅，一日浮屠來乞山資，由飯而隱岩至。仁普笑曰：到頭庵主徹底門生，今昔所難，師宜勉之。單遁去。

皮歸相嘲

皮日休謁歸仁，紹不遇，作龜詩嘲曰：硬骨殘形，知幾秋屍骸，終不是風流。頑皮少後，鑽應徧都為平生，不出頭。歸亦嘲云：八片尖皮砌作毬，水中浸了火中揉，一團閑氣如常在，惹踢招拳未休。

冷淡生活

裴令公居守東洛，夜宴半酣，公索句，時元白首唱。



次至揚汝士、楊援筆書曰：昔日蘭亭無艷質，此時金谷有高人。白知不能加遽裂之曰：笙歌鼎沸，勿作冷淡生活，衆大笑。

### 九牛一毛

或問華譚諺曰：人之相去如九牛一毛，有此理乎？譚曰：許由巢父讓天子之貴，市井小人爭半錢之利，此之相去何啻九牛一毛。

### 三耳二心

郭忠恕嘲司業聶崇義云：近貢全為贖，攀龍只是聾。雖然三個耳，其柰不成聰。聶應聲曰：莫笑有三耳，何如蓄二心。

### 苦海

鄭光業兄弟每柄文，有一巨皮箱，凡人獻詞句，有可唾者，即投其中，號曰苦海。每有宴集，命僮開箱。



共資諧戲極歡而罷

張公吃酒李公醉

郭景初夜出為醉人所誣官召景初詰其狀景初  
嘆曰諺所云張公吃酒李公醉官即命作賦郭云  
事有不可測人當防未然何張公之飲酒乃李老  
之醉焉清河丈人方肆盃盤之樂隴西公子俄遭  
醕酌之愆笑而釋之

我原無姊

李文禮性遲緩時在揚州司馬有吏自京還得長  
史家書云姊亡可擇日發之李大慟吏曰是長史  
姊李久而徐曰我原無姊

屠兒墓園

張齊賢形體恢肥罷相歸洛陽買午橋裴晉公綠  
野堂營為別墅然與王濟不相能一日濟至京師



公卿間有問及齊賢午橋別墅者。濟忿然曰。昔為綠野堂。今作屠兒墓園矣。聞者大笑。

不求聞達科

唐時令搜訪懷才抱器不求聞達者。一書生奔馳入京。路人問之。荅曰。將應不求聞達科。

先生頭陀

僧錄惠江。中書程紫霄。俱辯捷。江素充肥。會暑祖

露霄見之。曰。僧錄琵琶腿。江曰。先生感栗頭。又見駱駝數頭。霄指一大者。曰。此必頭陀也。江曰。此輩滋息。亦有先後。此先生非頭陀。

教曹俚言

高教曹嘗為雜詩三首。云。塚子地。握梨。星宿天。圍棋。開壘。甕張口。卷蓆床。剥皮。相送重。相送相送。至橋頭。培堆。兩眼淚。難按滿。胸愁。桃生毛。彈子。



瓠長棒槌兒。墻歌壁凸肚。河凍水生皮。

張打油雪詩

唐人有張打油作雪詩云。江上一籠統。井上黑窟窿。寵黃狗身上白。白狗身上腫。

此何字

張丞相好草聖。一日得句。索筆疾書。滿紙龍蛇飛動。使侄錄之。當波險處。侄惘然而止。執所書問曰。

此何字。丞相熟視久之。亦笑曰。此何字。

文樹類猴

安西牙將劉文樹。鬚生頷下。貌類猴。上令黃幡綽嘲之。文樹極惡猿猴之號。密賂幡綽。不言。幡綽許而進。嘲曰。可憐好箇劉文樹。鬚鬚共類。願別住。文樹面孔不似狗。獠狗獠狗。面孔強似文樹。上知其遺賂。大笑。



醜婢

兵部郎朱前疑貌醜妻有美色大不相愛天后時  
洛中西門酒坊有婢蓬頭垢面偃肩凸腹醜惡之  
狀舉世所無前疑大悅之殆忘寢食一人嘲曰宿  
瘤蒙愛信哉一人笑曰雲龍風虎類也凸音迭

之手者也

太祖幸朱雀門指門額問趙普何不止書朱雀門

着之字何用普曰語助耳太祖曰之手者也助得  
甚事。

巢由拜馬首

郭昱狹中詭僻登進士耻赴常選獻書宰相趙普  
自比巢由朝議惡其矯激久不調後復伺普望塵  
自乞普笑謂人曰今日甚榮得巢由拜於馬首

嘲張人



張人入太學為齋長其人涖小動以苛禮律諸生  
林叔弓作賦嘲云身材短小欠曹交六尺之長腹  
內空虛乏劉义一點之墨又詩云中分交兩段風  
使十橫斜文上全無分人前強出此聞者絕倒

章得象

章郇公得象與石資政中立素相善而石喜談譎  
嘗戲章云昔時名畫有戴松牛韓幹馬今又有章

得象也

鞋底樣

楊文公億在翰林時草制為執政者多所塗削楊  
甚不平因取塗處加以濃墨如鞋底樣題其旁曰  
世業楊家鞋底人問之楊曰此語見別人脚迹當  
時傳以為笑後草制被墨黥者相譏曰又適鞋底

汗淋學士



王平甫學士身體肥碩盛夏入館中下馬流汗浹衣劉貢父戲曰君真所謂汗淋學士也衆大笑

縷葱絲

宋時一士夫京中買一妾自言蔡太師府厨中人命作包子辭以不能詰之曰既是厨中人何曰不能妾曰妾乃包子厨中縷葱絲者曾無疑乃周益公門下士也有委之作誌銘者無疑援此事為辭

曰某于益公之門乃包子厨中縷葱絲者也豈能作包子哉衆大笑

信物一角

司馬文正公薨程正叔以臆說殮之如封角狀東坡嫉其怪妄怒詆曰此豈信物一角附上閻羅大王者耶

麒麟檀



揚再思呼朝士為麒麟。或問之曰：今假裝麒麟，必脩飾其形，覆之驢上，及去其皮，還是驢耳。

### 詩禪

佛印自稱詩禪。一日携詩軸乞東坡為序。東坡戲題曰：大杜之下有小杜，小杜之下翹然而傑出者，非吾師而誰聞者絕倒。

### 倉法

王元澤病亟，介甫命道士作醮。大陳楮泉，元澤致書曰：兄在位，要使天下後世人取法。雩雖疾，而方之禱久矣。為此奚益？且兄常以倉法繩吏，奸今乃以楮泉徵福，安知三清門不行倉法耶？介甫笑而止。

### 歐陽脩何如人

謝無逸閒居多，從衲子遊，不喜對書生。有一舉子來謁，坐定曰：每欲問公一事，輒忘之。嘗聞人言歐



陽脩果何如人無逸熟視久之曰舊亦一書生後甚顯達嘗忝大政又問能文章否無逸曰文章也得無逸子宗野時七歲聞之匿笑而去

### 失金釵

歐陽文忠任河南時染一妓時梅聖俞謝希深尹師魯集宴後圃而歐與妓俱不至移時方來在坐目視公責妓云何來遲也妓曰中暑往涼堂睡着

覺而失金釵猶未見梅曰若得歐陽一詞當償釵  
歐陽即云柳外輕雷池上雨雨聲滴碎荷聲小樓  
西角斷虹明闌干倚遍待得月華生燕子飛來栖  
盡棟玉鈎垂下簾旌涼波動簾紋平水晶雙枕旁  
有墮釵橫坐客大笑命妓滿酌賞歐令公庫償釵

### 依卿所奏

司馬溫公章奏王廣淵乞誅之以謝天下時滕元



發為起居注既歸王就問早來司馬君實上殿乞  
斬其以謝天下不知聖語如何滕戲曰只聽得聖  
語云依卿所奏

尚書未尊

尚書李相紳性暴無禮鎮宣武時有士人過於中  
道避不及而為前驅所拘問之乃宗室荅曰勤政  
樓前尚容縱步開封橋上不許徐行汴州豈大於

帝都尚書未尊於天子李笑使去

莫欺老

揚大年弱冠與周翰朱昂同在禁掖二老已瞶然  
矣揚每論事則侮之曰二老翁以為何如翰不能  
堪正色曰君莫欺老老亦終由與君昂曰莫由與  
他免得後人又欺他

覆鼎



蘇子美因賽神召館中同列是時洪州李中舍願預會中因梅聖俞謁子美子美曰食中不設饅羅餅夾坐上安有國舍虞比也李銜之遂暴揚言路子美竟坐謫而聖俞有客至詩曰客有十人至共食一鼎珍一客不得食覆鼎傷衆賓衆大笑

一斗三百文

宋真宗問近臣酒價幾何丁晉公對曰每斗三百

文上曰何以知之丁引杜詩云速宜相就飲一斗恰有三百青銅錢上大笑

我是鬼

司馬溫公夫人元宵夜欲出觀燈溫公曰家自有燈夫人曰無看遊人溫公笑曰我是鬼

多感元年

龍襄為瀛洲刺史歲暮京中人附書云歲已改年



多感寒氣乃將書呈判書以下云有司悉改為多感元年。

尿確油筒

褚歸應試有大舜善與人同破云道雖貫於萬世善猶同於衆人見黜一友戲慰曰公以尿確對油筒宜其黜落。

一局黑全輸

錢昭度詠方池詩云東道主人心匠巧鑿開方石貯漣漪夜深若被寒星映恰似仙翁一局棋有嘲之者曰此正謂一局黑全輸也。

戲老夫

孫周翰自幼精敏其父穆之携見郡侯時值春宴侯與座客簪花侯因命曰口吹楊柳成新曲翰曰頭帶花枝學後生侯笑曰何處便戲老夫



謔語二卷下  
揔姓王

南皮丞郭務靜初上典王慶案靜曰爾何姓慶曰姓王須臾慶又來又問何姓慶又曰姓王靜怪愕良久仰看慶曰南皮左史揔姓王

本不之官

李仲元居成都圭里里人化之班白不負男女不  
錯行嘗為縣令鄉人共送之元無心就行因共酣

飲月餘太守使人促之仲元云本不之官

東坡食品

東坡與客論食品書紙示客云爛蒸同州羊膏灌  
以杏酪食之以匙不以箸南郡麦心麵作槐芽温  
淘糝襄邑抹有日炊共城香粳薦以蒸子鵝吳興庖  
人斫松江鱠既飽以廬山康王谷水廉泉烹曾坑  
茶少焉解衣仰卧使人朗吟東坡前後赤壁賦亦



足一笑也。

一宿而來

李順黨中有殺人避罪逃亡者張忠定拘其母十日不出釋之復拘其妻一宿而來張斷云禁母十夜苗妻一宵倚門而望何踈結髮之情何厚斬之

陳鷲座

陳孟公豪俠所在人懷之恐後時有同姓名者每

至門人曰陳孟公座中莫不振動既至非是因號其人為陳鷲座

炎鴛鴦

山谷食炎鴛鴦詩曰盤中一筋休。○ 煖瘦入骨相思。○ 定不肥。○ 東坡笑而贊曰不減錦帶矣。

駝三千斛穀

岐山王生循故例納粟三千斛授官助教以厚價



市駿馬騎乘。每不愜意。醫者李生故稱壯健。以為價賤。王怪問之。李曰。馱得三千斛穀。豈非壯健耶。尚有一子。

待詔賈玄侍宋太宗。慕饒玄三子。嘗輸一路。太宗知玄詐。不盡其藝。乃曰。此局復輸。當榜汝。既滿局。不生不死。太宗曰。亦詐。更一局。汝勝。賜汝緋。不則投汝水中。局既平。不勝。不負。太宗曰。我饒汝子而

復平。是不勝也。命左右投之水中。乃呼曰。臣握中尚有一子。太宗大笑。賜以緋衣。

### 王牛張猴

王琪張亢善嘲謔。亢體肥大。琪目為牛。琪最骨立。亢目為猴。一日相遇。琪曰。張亢觸墻成八字。亢應聲曰。王琪望月叫三聲。聞者大笑。

### 擅破家貲



韶州鄧祐家巨富奴婢千人庄田綿亘未嘗設客  
孫子將一鴨子費用祐以擅破家賞鞭二十

### 狎娼

謝希孟每狎娼陸象山責之曰士君子朝夕與賤  
娼居獨不媿名教乎希孟敬謝請後不敢他日復  
為娼建鴛央樓象山又以為言謝曰非特建樓且  
有記象山喜其文不覺曰樓記云何即口占首句

云自遜抗機雲之灰而天地英靈之氣不鍾於世  
之男子而鍾於婦人象山默然希孟一日忽起歸  
興娼追送江許涕泣戀戀希孟毅然書一詞與之  
云雙槳浪花平夾岼青山鎖你自歸家我自歸說  
着如何過我斷不思量你莫思量我將你從前與  
我心付與旁人呵

### 衝破忌日



景龍中龍褒一日謂府吏曰何名私忌吏曰父母  
亡日請假值母忌日褒房中靜坐有青狗突入大  
罵曰衝破我忌日更牒改作明日譚者笑之

是中有鬼

梅侍讀年七十餘又病足常撫其足而罵之曰是  
中有鬼令我不至兩府者汝也

舊舞衣

韓續乞韓熙載撰父神道碑珎贈外輟一姬為潤  
筆文成但叙譜系品秩葬贈之典續封還意其改  
竄熙載竟以原贈吐之姬登車書一絕於泥金箋  
帶云風柳搖搖無定枝陽臺雲雨夢中歸他年蓬  
島音塵斷畱取尊前舊舞衣熙載笑不為動

悲秋傷春

東坡在惠州與朝雲閒坐時青女初至落木蕭蕭



凄然有悲秋之意。命朝雲把大白唱花褪殘紅。朝  
雲歌喉將轉。淚滿衣襟。公詰之曰。妾所不能歌。是  
枝上柳綿吹又少。天涯何處無芳草也。公翻然大  
笑曰。是我正悲秋。而汝又傷春矣。

### 相婆

王和甫守金陵。荆公退居卅山。一日路遇和甫。公  
入編戶家避之。老姥見公。世帶藥籠。告之病。公即給  
以藥。姥酬麻線一縷。語公曰。相公可將歸。與相婆  
荆公笑而受之。

### 楊氏尤物

尤延之為太常卿。楊誠齋為秘書監。皆善謔。一日  
延之誦一成句。請誠齋對曰。楊氏為我誠齋。應曰  
尤物移人。

### 肉味



韓忠獻億李康靖若谷同遊至汝州太守趙學士  
請康靖為門客尤敬待韓每至即設猪肉康靖嘗  
東韓云久思肉味請兄早訪

糞為佳號

蘇叔黨讀南史東坡臥聽之因語叔黨曰王僧虔  
居建康禁中里馬糞卷子孫賢實謙和時稱馬糞  
諸王為長者東漢贊論李固云觀胡廣趙戒如糞

土之穢也一經僧虔便為佳號而以比胡趙則異  
有時而不幸惜哉

月素

蘇東坡在黃州日佛印來訪居之雪堂官妓月素  
素能詩適從外來東坡曰汝來何為對曰聞宴客  
求一杯酒東坡曰我作一令汝能還之令汝預坐  
要一物不喚自來下用兩句詩東坡出令云酒既



清。肴。又。馨。不。喚。自。來。是。青。蠅。不。識。人。嫌。生。處。惡。撞。  
來。筵。上。敢。營。營。佛。印。云。夜。向。晚。睡。思。濃。不。喚。自。來。  
是。蚊。虫。吃。人。嘴。臉。生。來。慣。枵。腹。貪。圖。一。飽。充。月。素。  
云。只。將。自。身。還。令。可。否。東。坡。曰。人。亦。天。地。間。一。物。  
何。妨。月。素。曰。綺。席。張。日。將。暮。不。喚。自。來。是。月。素。紅。  
裙。一。醉。又。何。妨。未。飲。便。論。文。與。字。東。坡。大。笑。而。飲。

閑鶴苦猿

王安簡黃唐卿同脩國史安簡神情冲淡唐卿刻  
意篇什謝陽夏戲曰王貌閑如鶴黃吟苦似猿

多類虞舜

滕甫有弟中狠暴無禮其母獨篤愛用是數凌侮  
其兄而聞政多紊童子厚與甫舊狎一日語之曰  
公多類虞舜然亦有不似者甫究其說子厚曰類  
者父頑母嚚象傲不類者克諧以孝耳



評史

東坡評史曰司馬遷敢亂道却好班固不敢亂道却不好不亂道又好是左傳亂道又不好是唐書

崔念四

東坡時常遊妓崔念四之館因其排行作踏青游詞云識箇人人恰正年年歡會似賭賽六隻渾四向巫山重重去如魚水兩情美同倚畫樓十二倚

畫樓又還重倚兩日不來時時在人心裡擬問卜常占歸計撩三八清齋望永同鴛被驀然被驚覺夢也有頭無尾

水香勸盞

扈載懼內每出妻必滴水於地指曰未乾前歸若遠去則燃香印某處為還家之驗一日赴筵酒三行載有遁色朋友譁曰扈君恐砌水隱形香印過



界耳我衆人各撰新句一聯勸酒一盞許其去一人捧甌吟曰解稟香三令能尊水五申逼載飲盡一云細彈防事水短藝戒時香一云戰兢思水約匍匐赴香期一云出佩香三尺歸防水九章一云命繫逡巡水時牽決定香載連飲六七巨觥嘔吐淋漓既上馬群笑曰若夫人怪遲但云被水香勸盞留住

千里更生

方千里一日會張更生方作一令戲曰古人是劉更生今人是張更生手內執一卷全剖經問爾是胎生卵生濕生化生張谷曰古人是馬千里今人是六千里手執一卷刑法志問爾是三千二千里一千里

京中探事



任谷富經術隱居於洛以俟召命未降蒲輪乃躬  
到京訪知已有朝官戲贈曰雲間應訝鶴書遲身  
到京中探事宜從此見山須合眼被山相賺已多  
時

賦矢氣

林觀過年七歲嬉遊市中以鬻詩自命或戲令咏  
轉矢氣云視之不見名曰希聰之不聞名曰夷不

啻若自其口出人皆掩鼻而過之

苗而不秀

東坡贈朝雲詩序云余有數妾相繼辭去獨朝雲  
者杭人姓王氏從余過嶺始不識字忽學書粗有  
楷法日誦佛書數卷有子曰幹兒蚤卒已朝雲臨  
終誦金剛經四句葬於空惠苑竹林中為詩悼之  
云苗而不秀亦其天不使童烏與我玄駐景恨無



千歲藥贈行。惟有小乘禪。傷心一念償。前債彈指  
三生斷。後緣歸臥竹根無。近遠夜燈勤。禮塔中仙。

### 春宴

東坡在翰林日春宴佛印亦在坡曰我行一令上  
以二字重說下用一詩句協韻以狀其意坡即倡  
云閑似忙蝴蝶隻隻過粉牆忙似閑白鷺饑時立  
小灘王介甫云來似去潮翻巨浪還西注去似來

躍馬翻身射箭回秦少游云動似靜萬頃碧潭澄  
寶鏡靜似動長橋影逐秋波送又客云難似易百  
尺竿頭呈巧藝易似難執手臨歧話別間佛印云  
悲似樂送葬之家喧鼓樂樂似悲嫁女之家眼淚  
垂又一客云有似無仙子乘風遊太虛無似有掬  
水分明月在手永叔云貧似富稍子滿船金玉渡  
富似貧石崇着得敝衣裙又東坡收令云重似輕



萬斛雲帆一霎經輕似重柳絮紛紛舖盡棟

絮

韓富相時議一事富公疑之久不決韓曰公又絮矣富變色曰絮是何言也劉夷叔嘲為如夢令云休絮我自明朝歸去

佞佛

邵康節與富韓公在洛每日晴必同行至僧舍見

佛韓公必躬身致敬康節笑曰無乃為佞乎韓公亦笑曰非敢為佞也禮也

白墮

張文潛常云子瞻每笑天邊趙盾益可畏水底右軍方熱眼謂湯燭了王羲之也文潛戲謂子瞻云公詩有獨看紅蕖傾白墮不知白墮是何物子瞻云洛陽伽藍記有劉白墮善釀酒文潛曰白墮既



是人何以言傾子瞻笑曰魏武短歌行云何以解  
 憂惟有杜康杜康亦是釀酒人名也文潛曰畢竟  
 用得、不、當、時、文、潛、有、僕、曹、其、失、去、酒、器、子、瞻、又、笑  
 曰公且先去理會曹家那漢却來此間廝魔滿坐  
 大笑

木野狐草大蟲

葉濤好奕棋王介甫作詩切責之終不肯已故目

棋枰為木野狐言其媚惑人如狐也熙寧後茶禁  
 日嚴被罪者衆乃目茶籠為草大蟲言其傷人如  
 虎也

沒字碑

王錫慕秦漢碑刻甚節口腹之奉以事此一日語  
 共遊者曰近得一碑甚奇及出示無一字可辨王  
 獨稱賞不已客曰此何代碑王不能答客曰知之



名沒字碑宜乎公之珍襲也一笑而散

### 鱉龜

高文虎作西河放生池記有鳥獸魚鱉咸若本夏  
事引為商事大學諸生為詭詞哂其悞陳晦行草  
制以舜卜禹用昆命元龜字有倪侍郎駁之陳疏  
辨古今命相多用此語擢陳臺端倪罷去時嘲云  
舍人舊錯夏商鱉御史新爭舜禹龜

### 這漢子有識鑒

東坡在雪堂讀杜牧之阿房宮賦再三嗟嘆夜分  
不寢有二老兵給役甚苦之一兵曰有甚好處不  
肯睡連作嘆聲一兵曰也有兩句好其人大怒曰  
你怎理會得對曰我愛他道天下之人不敢言而  
敢怒東坡聞之大笑曰這漢子也有識鑒

### 盆盛括



沈括字存中方就浴劉貢父遽哭之曰存中可憐已矣衆驚問之曰死矣盆成括

### 開義井

周益公夫人妬有妾娠且病暑公為酌熟水飲之夫人屏間窺曰好箇相公為婢酌水公曰獨不見開義井的

一次近一次

武臣陳理從軍三十餘年立功十次謂賀子忱曰朝廷推賞一次輕一次賀笑曰只為邊面一次近一次

### 妖鳥啼春

方圭好為惡詩逢人即誦數千言喋喋可憎一日宋丞相宴客於平山堂圭肆譚座上宋惡之時望見野外一牛就樹磨痒宋願坐客胡恢曰青牛特



力狂挨樹。恢應曰：妖鳥啼春，不避人。令席大笑。圭奮拳擊恢，衆護得免。

### 速死托生

程師孟嘗請於王介甫曰：公文章命世，其幸與公同時，願得公為墓誌，庶傳不朽。王問：先正何官？程曰：非也。某恐不得常侍左右，預求以俟異日。又王雱死，張安國披髮藉草哭於柩前曰：公不幸，未

有子。今夫人有娠，其願死托生為公嗣。京師嘲曰：程師孟生求速死，張安國死願托生。

### 生老病死苦

熙寧中，王荊公改新法，日為生事。魯魯公年老，依違其間。富韓公稱病不出。唐知政與荊公爭直，不勝發疽而死。而趙清獻惜之，口惟叫苦而已。時人嘲為生老病死苦。



月是方的

徐延之曰今人都謂月員不知却是方者人問其故延之曰古詩云一方明月可中庭豈不是方的

竹夫人

李公甫謁真西山留飲書房指竹夫人命題曰蘄春縣君姓竹氏可封衛國夫人公甫援筆立就其中頌云常居大厦之間多為涼德之助剖心析肝

陳數條之風刺摩頂放踵無一節之瑕疵又未聯云嗚呼保抱携持朕不忘午夜之寢展轉反側爾尚形四方之風俱用詩書全語而形四方之風又見竹夫人之玲瓏也西山撫掌擊節

陳謝交嘲

陳伯益面黑而狹多髯謝希孟見寫真掛壁上戲題云伯益之面大無兩指鬚髯不仁侵擾乎旁而



不已於是乎。伯益之面，所存無幾。希孟後改名直，字古民。伯益咏其名曰：炊餅担頭挑取去，白衣舖上喝將來。伯益又寫一真衣皂道服，躡僧鞋。希孟贊曰：禪鞋俗人鬚鬢道服，儒巾面皮秋水長天一色，落霞孤鶩齊飛，聞者笑倒。

說雨說晴

裴子雨為下邳令，張晴為丞。二人論事移時，吏相

謂曰：官人甚不和。一箇說雨，一箇說晴。

更成何物

有僧誦經至無眼耳鼻舌身意，黃紫芝曰：馬用誦此僧禿其頭而無眼耳鼻舌，更成何物。僧大笑。

舊店新開

三山蕭軫登第榜下，娶再婚之婦。同舍張任國作柳梢青詞戲之曰：掛起招牌，一聲喝采，舊店新開。



熟事狹兒家。懷老子。畢竟招財。當初舍下安排。又  
不是豪門買獸。自古人言正身替代。見任添差。

### 鸚哥嬌

宋時有劉十五論李十八草書。謂之鸚哥嬌。蓋謂  
鸚鵡能言。不過數句。大率雜以鳥語。十八後稍進  
以書問十五。近日比舊何如。十五曰。可稱秦吉了  
矣。聞者大笑。吉了亦鳥名

### 忙不忙

佛印與蘇黃會飲。作忙令曰。我有田一方。全無一  
葉秧。相將近五月。問君忙不忙。次山谷云。我有菘  
一筐。全無一葉桑。相將近五月。問君忙不忙。酒至  
東坡乃笑。向佛印曰。和尚養婆娘。相将要上床。夫  
君門外至。問君忙不忙。

### 三十七代孫



一故相遠派在姑蘇嬉游書其壁曰大丞相再從  
魯侄孫某至此士人李章好譔題其旁曰混元皇  
帝三十七代孫李章繼至。

### 措大喫飯

東坡云有二措大相與言志一云我平生不足惟  
飯與睡耳他日得志當飽喫飯了便睡睡了又喫  
飯一云若我喫了又喫何暇復睡吾來廬山聞馬

道士弟睡於睡中得妙然吾觀之終不如彼措大  
得喫飯三昧也笑笑

### 懷趙璧

大名終慎思家貧苦學董儲帥薦於富家不納終  
以原書歸董有謝語云魯魯前高飛謂聊城之必下  
秦都不割懷趙璧以空歸聞者壯之

一肚皮不合時宜



蘇東坡一日退朝食罷捫腹徐行願謂侍兒曰汝輩且道此中何物一婢遽曰都是文章坡曰不然又一婢曰都是機械坡曰未當至朝雲乃曰學士一肚皮不合時宜東坡捧腹大笑

題李岩老

南岳李岩老好睡衆人食飽下碁岩老輒就枕閱數著乃一展轉云君幾局矣東坡曰岩老常用四

脚碁盤只着一色黑子昔與邊韶敵手今被陳搏  
既先着時自有輸贏着後並無一物歐陽公詩云  
夜涼吹笛千山月路暗迷人百種花碁罷不知人  
換世酒闌無柰客思家殆是類也

老劉郎

劉原父再婚歐陽脩以詩戲曰仙家千歲一何長  
浮世空驚日月忙洞裏桃花莫相笑劉郎今是老



劉郎

三十方能行立

郎度使韓簡性粗質每對文士不曉其說心常耻之乃召一士人講論語至三十而立句喜謂同官曰近方知古人稟質瘦弱年至三十方能行立聞者大笑

十分詩

郭功甫出詩示蘇東坡先自吟誦聲振左右既罷謂蘇曰此詩幾分東坡曰十分郭喜又問之東坡曰七分來是讀三分來是詩豈不是十分

晉裝

翟伯壽俊爽好奇巾服一如唐人自名唐裝能清言工篆及八分書一日往見許彥周彥周髮髻著犢鼻褲躡高屐出迎翟愕然彥周徐曰吾晉裝也



相與大笑

芒鞋稻稈

高宗南幸每泊岼岼執政必登舟朝謁沮洳中則躡芒鞋宰相呂元直戲曰草履便將為赤舄時旁舟水架稻稈備用叅政范覺民曰稻稈聊以當沙堤

堯夫術

蔡元定博學喜地理每與鄉人卜筮吉凶不驗嘗

遊朱晦翁門胡閔彈晦翁道學并及蔡為妖人坐謫道州以死有贈詩者曰掘盡人家好丘隴冤魂欲訴更無由先生若有堯夫術何不先言去道州

六眼龜

東坡一日謁微仲仲久寢不出東坡不堪見一葛蒲盆畜綠毛龜東坡云六眼龜更難得仲闕出何處東坡曰昔唐莊宗時一國進六眼龜伶人敬新



磨進口號曰不要鬧不要鬧聽取這龜兒口號六隻眼兒分明睡一覺抵別人三覺。

### 燒蒙

尚書趙從善子希蒼官紹興日令庖人造燒茄判食次問吏茄字吏曰草頭下着加即援筆書草下用家字乃蒙字矣時人目曰燒蒙。

### 鷄鶩給諫

高宗朝黃門上言聖節殺鷄鶩太多只令殺鷄手大牲時適傳一龍虎大王南侵邊方以為懼明侍郎云不足慮此有鷄鶩給諫當之。

### 卿亦好此

徽宗朝有建言請毀良岳以其地還民方議具請內出圖本宣示宰執吳元中觀至其間佳處失聲稱善上頷笑曰卿亦好此乎。



成敗蕭何

東坡一日語劉景文曰一則仲父二則仲父當以何對景文對曰成也蕭何敗也蕭何相與鼓掌

狗枷犢鼻

江夏王義恭性愛古物侍中何最道中見狗枷犢鼻命僕取歸飾以箱送之牋曰承需古物今奉李斯狗枷相如犢鼻見之大笑

百字名

李薦侍范蜀公公曰家中子弟連名百字幾乎盡矣至于百裝百中亦取以為名李曰百伶百俐百巧百窮亦可名否蜀公掀髯大笑

瓜齋譜

韓龍圖贊每食味好啖瓜齋諸軍營多齋之韓謂趙閱道曰某營最佳某營次之趙笑曰歐陽永叔



謝清二卷八  
撰花譜。蔡君謨撰荔枝譜。今龍圖撰瓜蓀譜矣。

無逝我梁

會稽馬殿幹有美姬善歌。時出佐酒。馬死有梁水得之亦侑觴。時陳無損酒酣屬句。謔云昔居殿幹之家爰喪其馬。今入邑丞之室無逝我梁。一座絕倒。

真實不虛

陳亞知嶺南思州。到任與親知書曰。使君五馬渡旌名目而已。螳螂兩螯八足。真實不虛。

三時

錢景謨論王安石不但變法制且穿鑿附會作字。解謂之時學。而春秋一王法獨廢而不用。又以荒誕非昔是今無所統紀謂之時文。傾險趨利謂之時官。驅天下之人務時學。以時文邀時官為三時。



鳥對僧

佛印原儒家流書無不淹與東坡友善神廟時禱  
早命僧人入內脩演東坡謂佛印冒侍者入觀盛  
事上見魁偉遂賜披剃亦頗啣恨東坡一日東坡  
戲曰往嘗與公譚及古詩如時聞啄木鳥疑是叩  
門僧又如鳥宿池邊樹僧敲月下門未嘗不以鳥  
對僧也不意今日公身犯之佛印曰所以老僧今

日得對學士東坡大笑

鼎社

柴守禮居西洛與王溥王彥超韓令坤結友遊嬉  
日設樂妓輪環歡譁謂之鼎社洛陽多妙妓守禮  
日點數人以片紙書姓氏押字大如掌使人詣府  
尹尹後旁食字妓見尹押即時爭至買笑陪禮

夢中作靴銘



東坡倅杭時夢仁宗召入禁中宮女圍侍一紅衣  
女童捧紅靴一隻命為銘之覺而記其一聯云寒  
女之絲銖積寸累天步所臨雲蒸雷起既畢進御  
上極嘆其敏使宮女送出睇視裙帶間有六言詩  
一首云百疊漪漪風皺六銖縱縱雲輕植立含風  
廣殿微聞環珮瑤聲

屢遊相鬢

王介甫王禹玉同侍朝見虱自介甫襦領而上直  
緣其鬢上顧之而笑介甫不自知也朝退禹玉指  
言介甫命從者去之禹玉曰未可輕去願頌一言  
介甫曰何如禹玉曰屢遊相鬢曾經御覽衆大笑  
作鬼話

張文潛見東坡山谷論說鬼詩忽曰舊時鬼作人  
話如今人作鬼話二公大笑



前次酒飲盡

李太伯賢而有文章。素不喜佛。不喜孟子。好飲酒。一日有達官送酒數斗。太伯家釀亦熟。一士人無計得飲。乃作詩數首罵孟子。其一云。完廩捐階。未可知。孟軻深信。亦還痴。岳翁方且為天子。女僭如何弟。殺之又云。乞丐何曾有二妻。鄰家馬得許多。鷄當時尚有周天子。何必怛怛說魏齊。李見詩大

喜。由連數日。所與談。莫非罵孟子也。無何酒盡。乃辭去。既而聞又有送酒者。士人再往。作仁義正論三篇。大率詆佛。李覽之。笑曰。公文采甚奇。但前次酒被公飲盡。後極索。莫今次不敢相留。留此酒以遣懷可也。

小人輩

丁謂在秘閣日。凝寒近火。常以鐵箸于灰爐間。書



畫同舍伺公暫起燒火箸使熟公至仍書為箸所  
厭曰昨宵通曉不寐為四隣絃管喧呼所聒同舍  
曰是必嫁娶之家也公曰非是時平歲稔小人輩  
共樂其父母祖先耳。

霜鷹凍蠅

蘇味道王方慶同為鳳閣侍郎或問張元一二公  
孰賢張曰蘇如九月得霜鷹王如十月被凍蠅

賤物為小名

歐陽公家兒小名有僧哥者一僧謂公曰公不重  
佛安得此名公笑曰人家小兒要易長徃徃以賤  
物為小名如狗馬牛羊之類是也僧大笑

妓趨庭

石次仲詠妓趨庭陳狀云醉紅宿翠髻鞞烏雲墜  
管是夜來不得睡那更今朝早起春風秋月滿榻



腰肢塔前小立多時恰恨一番風雨相應濕透鞋  
兒

### 宰地漫天

魯宗道直龍圖閣時丁謂方用事一日以公事造  
其第盤辟之際丁曰學士拜時衫宰地魯以丁有  
異心應聲答曰侍中宴處幙漫天丁有慙色

### 夢中作祭春牛文

元豐六年十二月二十七日夜東坡夢數夫人持  
紙一幅上題云請祭春牛文即疾書云三陽既至  
庶草將興爰出土牛以戒農事衣被丹青之好本  
出泥塗成毀須臾之間誰為喜愠吏微笑曰此兩  
句復當有怒者旁一吏云不妨此是喚醒他

### 一片葉

王祈有竹詩兩句最為得意為蘇東坡誦之曰葉



垂千口劔，幹聳萬條，鏡蘇笑曰：好則好矣，只是十條竹竿，一片葉也。

米老娘菴

米元章築室于甘露寺旁，曰米老菴。寺大火，惟菴與李衛公塔獨存。元章詩云：神護衛公塔，天存米老菴。蓋元章母入內為老娘，以母故命官也。

麈尾鄒俚叔孫通

司馬溫公死，當明堂大饗，朝臣以致齋不及奠，肆赦畢，蘇子瞻率同輩往，程頤固爭，引論語子於是日哭則不歌以阻之。子瞻曰：明堂乃吉禮，不可謂歌則不哭也。頤又喻司馬諸孤不得受吊，子瞻戲曰：公可謂麈尾鄒俚叔孫通。

猪嘴関



元祐間，王景亮與仕族無名子，結為一社，紀事嘲諷。士大夫無問賢愚，一經品題，即被不雅號。曰：猪嘴關、呂惠卿、察訪京東、氣質清瘦、語話之際，喜以雙手指畫社人，呼為說法猴孫。又湊為七字曰：說法猴孫為察訪，久不能對。一日邵箎因上殿，氣泄出，知東平邵高鼻捲髯社人名為湊氣獅子，仍對曰：湊氣獅子作知州。

嚴幼芳

妓嚴蕪，字幼芳，善琴奕歌，舞能詩。時唐與正守台酒邊，命賦紅白桃花，即成如夢令云：道是梨花不是，道是杏花不是，白白與紅紅，別是東風情味。曾記曾記人在武陵，微醉唐賞之。又七夕有謝生同宴，命以謝姓為韻，即成鵲橋仙云：碧梧初出，桂香纔吐，池上水荷微謝。穿針人在合歡樓，正月露玉。



盤高。鴻。蛛。忙。鵲。懶。耕。慵。織。倦。空。做。古。今。佳。話。人。間。  
剛。道。隔。年。期。天。上。方。纔。隔。夜。謝。為。之。心。醉。後。嚴。被。  
坐。他。事。繫。獄。商。岳。霖。為。憲。命。作。詞。自。陳。即。口。占。卜。  
筭。子。云。不。是。愛。風。塵。似。被。前。緣。悞。花。落。花。開。自。有。  
時。捻。賴。東。君。主。去。也。終。須。去。住。也。終。須。住。若。得。山。  
花。插。滿。頭。莫。問。奴。歸。去。商。笑。而。釋。之。

侏儒

林瑀王軌同作直講林謂王曰何相見之濶也王  
曰遭此霖雨瑀云今後轉更踈濶王問其故瑀云  
逢此短晷蓋譏王之侏儒

梨穰子

東坡云有故人黎錡歐陽文忠公喜之然為人質  
木遲緩劉貢父戲之為梨穰子不知果木中真有  
是也一日連騎出闡市人有唱是果賣之者曰出



賣梨。豫子大笑。幾落馬。

今日斷屠

黃魯直戲蘇東坡曰。昔王右軍書為換鵝字。近日韓宗儒得公一帖。換羊肉數斤。可名公書為換羊書矣。後宗儒渡作東。投公以圖報書。來人替索甚急。蘇笑曰。傳語本官。今日斷屠。

七夕古今無假

宋時行都節序皆有休假。惟七夕百司皆入局。不准假。時相古村問堂吏云。七夕不作假有何典故。吏云。七夕古今無假。查柳宗元七夕二郎神詞云。須知此景古今無價也。時相唯唯。

淝下人

壽州有妓魁肥。陳亞問曰。爾何處人。妓曰。本是淝上人。亞笑曰。今喚作淝下人。罷一座大笑。



閻羅見缺

王介性輕率每語言無倫人謂其有風疾出守湖州王介甫以詩送之云東吳太守美如何柳惲詩才未足多遙想郡人迎下檐白蘋洲渚正滄波其意以水值風即起波也介諭其意遂和十篇盛氣而誦於介甫其一曰吳興太守美如何太守從來惡祝鮀生若不為上柱國死時猶合代閻羅介甫

笑曰閻羅見缺請速赴任

馬後床前

崩希逸有僕武公幹十餘歲動渠異常希逸擢第幹以親在乞歸就養希逸送以詩曰山陰不曾離馬後酒醒常見在床前和者甚衆

甘露哥哥

米元章詩有云飯白雲苗子茶甘露有兄東坡詰



其兄之義米笑曰。不過是甘露哥哥。

### 無點水

韓莊敏績求字於歐陽文忠公。以小合幅紙書五  
女二字致之。韓大不樂。明日相會。猶帶愠容。文忠  
曰。古女字無點水也。取筆添汝字三點。相與一笑。

### 甚模樣

章子厚生辰會客門人林特。以詩為壽。客皆誦德。

處嘆以為工。特頗不平。忽曰。昔有令畫工傳神。以  
其不似。命別為之。凡三四易。畫工怒曰。若畫得似  
是甚模樣。滿席哄然。

### 別曇秀

東坡曰。曇秀來惠州。見予。將去。予曰。山中見公。還  
必求一物。何以與之。秀曰。鷺城清風。鶴嶺明月。人  
人送與。只恐他無着處。予曰。不如將幾紙字去。每



人與一紙，但向道。此是法言華書。裡頭有灾福。墨秀笑之。

鉄牛

陶尚書小字鉄牛。李濤嘗戲之曰：每至海源，即思靈德。

守鼻梁

劉貢父晚年得惡疾，眉墮落，鼻梁斷壞。一日與

蘇東坡會飲，蘇引古詩一聯戲曰：大風起兮，眉飛揚。安得猛士兮，守鼻梁。坐中大噱。

而已失三官

洪舜俞為考功郎，應詔言事，論臺諫失職，詞甚剴切。內有其相率勇往而不顧者，惟恭請聖駕，款謁景靈宮而已。句遂為臺官所謫，謂祇見宗廟重事也。而舜俞乃云而已，有輕宗廟之意，因被落三官。



舜俞自為詩云。不得之乎。成一事。却因而已。失三官。聞者笑之。

是班孟堅

張由古有吏才而無學術。歷臺省。嘗於衆中嘆曰。班固有才。惜文章不入選。或曰。兩都賦。燕山銘。並入文選。何為言無。由古曰。此是班孟堅。衆大笑。半面之交。

蘇東坡見一家有界尺筆槽而破者。問其主人曰。韓直木如常。孤竹君無恙。但半面之交。忽然折事矣。主人大笑。

富可埒國

彭淵才遊京師十餘年。其家饋粥不給。一日歸。親知相慶曰。可脫凍餒之厄矣。淵才喜。見鬚眉曰。吾富可埒國。既開囊。乃李廷珪墨一笏。文與可墨竹。



一枝歐陽五代史草稿一巨束舉坐笑之

不如叔父聽

李約琴酒詩調高絕一時平生不近粉黛多蓄古  
器嘗得古鐵一片擊之清越養一猿名山公初至  
金陵于府主李錡坐屢贊招隱寺之勝一日錡宴  
于寺中謂曰十郎嘗誇招隱細看爾爾約笑曰其  
所賞者踈野耳若遠山將翠幙遮古松用絳物覆

腥臙浣鹿培泉音樂亂山鳥聲實不如在叔父廳  
也

姜制之

蘇子瞻與姜制之飲姜舉令云坐中各要一物是  
藥名乃指子瞻曰君藥名也紫蘇子子瞻應聲曰  
君亦藥名也君非半夏定是厚朴衆請其故子瞻  
曰非半夏非厚朴何故曰姜制之



一場春夢

賈似道貶循州沿路占牌題云三朝元老手執一白扇題云一場春夢見者大笑

洛邑苗裔

蔡洪赴洛洛中人問曰幕府初開群公辟命求英奇於側陋來賢俊於岩穴君吳楚之士亡國之餘有何異才而應斯舉蔡荅曰夜光之珠不必出於

孟津。盈握之璧。不必采於崑崙。舜生東夷。文出西羌。有自來矣。昔武王伐紂。遷頑民于洛邑。諸君豈其苗裔乎。

環滁皆山

歐陽文忠在滁州日命妓侑觴行不如式公曰此妓山野妓徐徐荅曰環滁皆山也滿坐大笑

四兩乾艾



魯直在鄂州太守以有才望大為敬重士人詩文  
投贄守必取重於魯直而報之一日魯直閱一士  
詩良久無語守曰酬以幾何魯直笑曰但送四兩  
乾艾於屁股上灸之問他後敢復放否。

### 鮎魚上竿

梅聖俞以詩知名三十年終不得一館職晚年預  
脩唐書語其妻刁氏曰吾之脩書可謂胡絲入布

袋矣刁曰還是鮎魚上竹竿聞者絕倒

### 看花局

僧仲殊每歲禁烟前後置酒饌以待賞花者不問  
親疎謂之看花局時人戲云彈琴種花陪酒陪歌

### 平章令

咸淳中賈平章似道宴馬丞相廷鷺江丞相萬里  
賈舉令曰我有一局棋寄與洞中仙洞中仙不受



云自出洞來無敵手。得饒人處且饒人。洞中仙曲  
名下二句古詩也。馬云我有一漁竿。寄與漁家傲。  
漁家傲不受云。夜靜水寒魚不餌。滿船空載月明  
歸。江云我有一犁鋤。寄與使牛子。使牛子不受云。  
且存方寸地。留與子孫耕。蓋譏似道也。

土產

周益公洪容齋嘗侍壽皇宴。上問洪曰。鄆陽所

產何物。洪曰。沙地馬蹄鼈。雪天牛尾狸。又問。周曰。  
卿廬陵產何物。周曰。金柑。玉版笋。銀杏。水晶蒸。上  
吟賞。又問。一侍從。浙人也。對曰。螺頭。新婦臂。龜脚。  
老婁牙。上笑。四者皆海鮮也。

肥瘦香臭

盛文肅豐肌大腹。丁謂疎瘦如削。梅詢每晨起必  
焚香。兩爐。撮置袖中。坐定撒開。濃香滿室。賈文賓



不喜脩飾。經年不浴。時人語曰。盛肥丁。瘦梅香。實臭。

驚怖越席

李太白與陳烈飲於望海亭。以歌妓侑酒。方舉板。一拍。陳驚怖越席。攀木踰垣而去。李作詩曰。山鳥不知紅粉樂。一聲檀板便驚飛。

娼下火文

崑山周娼與張子能相善。娼暴亡。張倩友作下火文云。大家且道可惜。這個甚麼可惜。巫山一片雲。眼前新水點絳唇。昔年繡閣迎仙客。今日桃源憶故人。休記醜奴兒。臉恨便須抖搜好精神。南柯夢斷何如也。一曲離愁別是春。大眾還知周娘向甚麼處去。這裡分明會是驀山溪畔。頭頭盡是喜相逢。芳草渡頭處處。都逢川撥棹。倘或未然更聽下。



句、噴與君一把無明火、燒盡千愁萬恨心

十物

郭功甫有老人十物詩云、不記近事、記遠事、不能  
近視、能遠視、哭無淚、笑有淚、夜不睡、日裏睡、不好  
坐、好行、不食軟食、硬子不惜、惜孫、大事不問、小事  
絮、少飲酒、多飲茶、煖不出、寒出

譚浪二卷終



中华古籍保护

書

